

# QUÆSTIO MEDICA,

*Quodlibetariis disputationibus manè discutienda in Scholis Medicorum, die Jovis 12 mensis Decembris 1715.*

M. LUDOVICO DEVAUX, Doctore Medico,  
Præside.

*An diverso judicentur tempore, qui iidem sunt speciei morbi?*

## I.

**H**OMINIS natura ipsius est viventis idiosyncrasia, quæ in uniendi spirituum interventu corpus cum animâ, certâ ratione consistit, & in legitimâ solidorum scilicet & fluidorum quibus constat proportionem. Ex spirituum uberrimâ copiam, firmissima unio longissima, vis naturæ validissima, vitæ diuturnitas. Non distinguuntur homines nisi peculiari illâ temperie, quæ cum actionum omnium & motuum intrinsecum sit principium, partes singulas variis facultatibus instruit & exornat. Cor perenni systole & diastole sanguinem in circuitum exagitat: ex cibis præparatur chylus in ventriculo tritu, ex chylo sanguis coquitur, perficiturque in arteriis & venis. Ex sanguine cujusque partis substantia fovetur, reparatur, augeatur indefinenter, sed indefinito motu. Quod elleborum & cicuta nonnullis alimenta sint, aliis venena: quod viso lepusculo quidam exhorrescant, alii anguibus delectentur, quod non solum voce, scripturâ, pingendi ratione, sed etiam vultu singuli homines discrepent, huic uni acceptum referendum est.

## II.

**A**CTIONES corporis promovere animi officium est: ut autem citò, tardè, expeditè, agrè, parcè, copiosè fiant, idiosyncrasia, impediri vel expediti ocyùs, segniùs, coctiones, excretiones, generationes pro variâ externarum rerum conditione. Constat exemplo leguminum quæ facilitùs fluviatilibus aquis, quàm puteanis coquantur, ab alimentis quoque eupeptis & dyspeptis, euchymis & cacochymis velociore sunt coctiones aut tardiores; nec aliundè morbi mitiores sunt vere, quàm autumno, breviores æstate quàm hyeme, nisi externi aeris benignitate; eâdem ratione cerealia, sataque omnia modò citiùs, modò tardiùs germinant, adolescunt, maturescunt: sed mutationis cujusque interior causa idiosyncrasia est, quâ ratione fit, ut qui fluidiorem sortiuntur alvum in adolescentiâ, pigriorem in senecture experiantur, mulierum non paucis fluunt purgationes plenâ, plerisque silente lunâ: hîc tempus antevertitur, illîc protrahitur. Nihil in homine constans & perpetuum, vita in utero quibusdam ante trigesimum, quibusdam post quadragesimum diem. Partus septimo, nono, decimo, undecimo, nonnunquam octavo mense vitalis. Qui conformantur die trigesimo, non semper moventur nonagesimo, aut nascuntur ducentesimo septuagesimo, nec in tantarum actionum terminis lex ulla definita.

## III.

**U**T inter se diversæ coctiones & secretiones, sic diversis temporibus obeuntur; & alia victus ratio hyeme quàm æstate instituitur, quod illis tempestatibus celeriores contingant, aut tardiores coctiones. Non per-æquè omnibus interdicens cœna, vel concedendum vesperi uberiùs alimentum dejectiones alvinæ nec statæ nec definitæ. In morbis nec perpetuò statâ horâ antecedunt paroxîsmi, nec definitâ recedunt. Febres acutissimæ non statim primo septenario seviunt, aut post tertium mitescunt. Frustrâ quoque earum solutionem certis quibusdam diebus expectes, cum varia sint περιόδου tempora, indeterminata humorum secretio, excretio. Religiosa die-

rum in morbis observationes, ut plerumque superstitiosæ, sic sæpenumero noxiæ, & dùm impari die crisis expectatur, agendi occasio præterfluit.

## I V.

**O**PUS naturæ bene agentis ab utili quod noxium est & scernentis & expellentis, crisis est; hæc humorem morbi parentem, qualem, qua parte, quo tempore excludi convenit, & quantum opus est, è corpore eliminat: rarior illa nostro quàm veterum ævo, non peioris ætatis aut senescentis mundi vitio, sed Medici peritiâ aut imperitiâ, qui imperiti venam secat, aut purgat, vel illa prætermittit quæ legitima fieri jubet indicatio, irritatis morbi causis & interturbatis naturæ operibus, mortem, non crism accersit: at peritus artifex adhibitis initio convenientibus præsidiiis, ita morbi vehementiam obtundit & frangit, ut ea paulatim elangueat, causis omnibus magnam partem excisis, ac vitato discrimine & periculo quod ab exortâ per crises inter naturam & morbum pugnâ videtur impendere. Dùm illa coquendis movendisque feliciter humoribus incumbit, cave ne interpelles aut avertas; quodvis eo temporis articulo exhibitum pharmacum, venenum est. Tùm demùm opitulandum puta, cùm segniter in coquendo excernendoque humore operatur. Mutuis auxiliis ars & natura ad ægri salutem conspirantes, salutarem *evpoçia* procurant.

## V.

**H**UMANA sorte superior creditur Medicus in prædicendâ crisi, in curandis gravissimis affectibus. Nulla verborum vis in morbos, nulla septenarii numeri ad crises. Naturæ officium est post edomitum & segregatum ac sepositum humorem, crises moliri, sed variis & diebus & hebdomadis: vix tamen ante diem tertium, aut post vigesimum primum effatu digna crisis observatur. Ex naturæ universalis præscripto, quæ se se nonnullis legibus necessariò adduxit. A tertio ad vigesimum primum ampla intercedit temporis latitudo, intra quàm variis diebus ab unâquâque naturâ particulari prævidente Medico judicantur morbi, pro diversâ ætate, temperie,

sexu, vivendi genere singuli peculiarem & sibi familiarem excretionis modum affectantes, die non tantum critico dicto & impari, sed pari & tyranno. Hanc autem vel tempestas, vel rerum non naturalium usus, vel impendentis casus, vel ipsa morbi conditio ac natura retardant aut accelerant, unde varium atque indefinitum redditur criseos tempus. Dum natura cum morbo (licet eodem secundum speciem) congredditur, & humorem crassiores aut tenuiores: catullientes, aut torpentem: paucum aut copiosum invenerit, fuerintque faventia vel repugnantia *τα ἐξωθεν*. Hac vel illa hebdomada: citius, serius: die pari, impari: mane, vesperi: noctu, interdiu: hac vel illa hora conflictum absolvit.

*Ergo diverso judicantur tempore, qui iidem sunt specie morbi.*

Domini Doctores disputaturi.

M. Joannes-Baptista Martineng,

M. Joannes Henricus Imbert, è Regia Scientiarum Academia.

M. Franciscus Pouffe.

M. Thomas-Bernardus Bertrand,

M. Ægidius Adam.

M. Camillus Falconet, Regia utriusque Aula equestris Medicus honorarius.

M. Franciscus Afforty, antiquus Facultatis Decanus.

M. Germanus Preaux, Professor Regius.

M. Joannes Cordelle.

Proponebat Lutetiæ JOANNES. MATHÆUS LE BERT  
Parisinus, Baccalaureus Medicus, A. R. S. H. 1715.  
à sextâ ad meridiem.

---

Typis JACOBI QUILLAU, Universitatis, & Facultatis Medicinæ  
Typographi.